

ÍNDISE SUSTENTABILIDADE ORGANIZASAUN SOSIEDADE SIVÍL 2020

TIMOR-LESTE
SETEMBRU 2021



USAID
FROM THE AMERICAN PEOPLE

ICNL
INTERNATIONAL CENTER
FOR NOT-FOR-PROFIT LAW

fhi360
THE SCIENCE OF IMPROVING LIVES

ÍNDISE SUSTENTABILIDADE ORGANIZASAUN SOSIEDADE SIVÍL 2020

Ba Timor-Leste

Setembru 2021

Dezenvolve husi:

United States Agency for International Development

Bureau for Democracy, Conflict and Humanitarian Assistance

Center of Excellence on Democracy, Human Rights and Governance

Agradesimentu: Publikasaun ne'e posível bele halo liuhusi apoiu ne'ebé oferese publication husi Ajénsia Estadus Unidus ba Dezenvolvimentu Internasionál (USAID) ho Akordu Koperativu Nú. AID-OAA-LA-17-00003.

Renunsiasaun: Opiniaun-sira ne'ebé espresa iha ne'e husi panelista-sira no peskizadór projetu sira seluk no la nesesariamente refleta ba opiniaun-sira husi USAID ka FHI 360.

AGRADESIMENTU

Publikasaun ba tipu ida ne'e sei la posível sé la ho kontribusaun-sira husi individuál no organizasaun sira barak. Ami espesialmente agradese ba ami-nia parseiru implementadór sira, ne'ebé maka dezempeña papél kítiku hodi fasilita reuniaun ba espesialista painél no hakerek relatóriu nasaun ninian. Ami mós hakarak agradese ba representante no espesialista barak husi OSS, parseiru USAID, no doadór internasionál sira ne'ebé maka partisipa iha espesialista painél iha kada nasaun. Sira-nia kuñesimentu, persepsaun, ideia, observaun, no kontribusaun sira maka hanesan baze ba índise ida ne'e.

PARSEIRU LOKÁL

BELUN

Luis da Costa Ximenes
Miguel Mau Soares
Eugénia Urânia da Costa Correia, Independent Consultant

JESTÓR PROJETU

FHI 360

Michael Kott
Eka Imerlishvili
Alex Nejadian

INTERNATIONAL CENTER FOR NOT-FOR-PROFIT LAW (ICNL)

Catherine Shea
Jennifer Stuart
Marilyn Wyatt


KOMITÉ EDITORIAL

Luc Chounet-Cambas, Bishnu Sapkota, Hans Antlov, Natasha Dandavati, Kate Musgrave, Julie Hunter, Linnea Beatty, Mariam Afrasiabi, Gary Bland, no Kourtney Pompei

TIMOR-LESTE

Kapitál: Dili
Populasaun: 1,413,958
GDP per capita (PPP): \$3,553
Human Development Index: Medium (0.606)
Freedom in the World: Free (72/100)

SUSTENTABILIDADE OSS ENJERÁL: 3.5



Timor-Leste kontinua hasoru impáse política iha 2020 no, ho nasaun hotu, iha dezafiu ne'ebé signifíkante tanba pandemia COVID-19.

Konflitu iha parlamentu nasionál no aliansa maioria kontinua iha 2020, finalidade rezulta kolapsu iha aliansa governante no mudansa lideransa iha parlamentu nasionál. Iha Outubru no Dezembru 2019, parlamentu rejeita orsamentu jerál 2020, husik governu Timor-Leste la iha orsamentu aprova ba iha tinan fiskál. Aliansa governante seidauk aprova orsamentu estadu iha Feveireiru 2020, kria krize política ne'ebé aat liután bainhira Congresso Nacional de Reconstrução de Timor (CNRT) abstein iha votasaun. Husi ne'e rezulta, primeiru ministru hatama ninia karta demisaun iha 25 Feveireiru 2020, molok retira iha Abril atu hasoru pandemia. Aliansa ne'e hafoin rekruta fali partidu Timor-Leste nian ida ne'ebé boot no antigu liu hanesan membru foun iha Maiu 2020, bainhira CNRT sai fali hanesan partidu opozisaun. Governu kontinua nafatin maske la iha orsamentu estadu ne'ebé aprova to'o iha Outubru 2020. Konsekuentemente, OSS hirak ne'ebé maka governu aprova ona fundu ba sira tarde, no transferénsia orsamentu ka pagamentu adiadu to'o fali iha tinan fiskál tuir mai.

Iha Marsu 2020, governu Timor-Leste deklara estadu emergjénsia hodi responde ba pandemia COVID-19. Estadu emergjénsia, kontinua to'o fim do ano, taka fronteira nasionál, proibidu eventu-sira no halibur malu ne'ebé boot, limita transporte, no distansiamentu sosiál no prosedimentu kuarentena. Atu mitiga efeitu ekonómiku husi pandemia, governu Timor-Leste fornese sesta bázika no transferénsia osan ba iha kada umakain ne'ebé ninia rendimentu mensál menus husi \$500. Governu mós kobre pursentu 60 ba OSS no setór privadu sira-nia staff nia saláriu ne'ebé maka iha número identifikadu seguransa sosiál (NIS), iha Ministériu Sosiál Solidaridade no Inklusaun (MSSI).

OSS obrigatóriu tenke adapta ho situasaun atuál. Maioria OSS konsentra sira-nia esforsu iha kolaborasaun ho governu atu prevene habelar virus duke atu tenta atu kontinua sira-nia atividade-sira hanesan baibain, ne'ebé maka barak tebes maka tenke suspende. Alende iha prevensaun no mitigasaun COVID-19, OSS mós monitoriza intervensaun governu-ninian iha komunidade urbana nomós rurál, inklui asisténsia finanseira ne'ebé fornese liuhusi programa subsídiu governu.


Sustentabilidade OSS enjerál iha Timor-Leste kontinua la iha mudansa iha 2020, apezar husi dezafiu-sira ne'ebé maka mosu husi COVID-19 no instabilidade política, no pontuasaun husi dimensaun-sira-hotu nafatin estável. Kapasidade organizasionál no advokasia kontinua sai hanesan dimensaun rua ne'ebé maka forte tebes iha sustentabilidade OSS, tanba OSS prova duni resiliente no reseptiva ba iha nesesidade imediata públiku no governu kontinua haree OSS hanesan parseiru ne'ebé ativu iha dezvoltamentu. Provizaun servisu OSS nian foku ba iha prevensaun COVID-19 no apoiu emergjénsia, no imajen públiku OSS nian kontinua pozitivu. Maske restrisaun COVID-19 limita disponibilidade sesaun treinamentu sira no atividade prezensiál, rede OSS hasa'e sira nia efikásia, partikularmente iha apoiu esforsu governu no disemina informasaun no asisténsia ne'ebé foku ba COVID-19. Registrasaun OSS hatudu tarde no obstákulu iha 2020,

maibé ambiente legál kontinua la iha mudansa. Viabilidade finanseira kontinua sai hanesan dimensaun ne'ebé maka aat liu iha sustentabilidade OSS; kumprimisu governu nian ne'ebé maka anunsia atu apoiu OSS kada tinan kompensa tanba falta aprova orsamentu ba iha 2020 no atrazu boot iha distribusaun fundus, kauza ba iha pontuasaun dimensaun ne'e la iha mudansa.

OSS iha Timor-Leste servisu iha área programátiku ne'ebé oioin, inklui direitu umanu, harii dame no prevensaun konfliktu, jéneru no inklusaun sosiál, engajamentu juventude, agrikultura, kapasitasaun, edukasaun, monitorizasaun no avaliasaun, bee no saniamentu, reforma judisiál, advokasia, apoiu umanitariu, no peskiza. OSS engaja iha atividade ne'ebé oioin atu empodera comunidade-sira iha área urbana, remotas, no rural. Iha 2020, maske, OSS barak maka temporáriamente foku sira nia esforsu direita ba iha apoiu atividade prevensaun no asisténsia COVID-19, prinsipalmente fornese materiál ijiene no edukasaun saúde ba iha comunidade ne'ebé vulnerável.

Ladun serteza konaba númeru OSS iha nasaun ne'e. Bazeia ba iha dadus husi Ministériu Justisa (MJ), asosiasaun nasionál 36 no fundasaun 14 ne'ebé rejistu foun iha 2020, no númeru totál ba iha organiza-sira ne'ebé rejistu hamutuk fundasaun 139, asosiasaun nasionál 522, no organiza-sira naun-govermentál internasionál (INGOs) 82. Maibé, bazeia ba iha Forum ONG Timor-Leste (FONGTIL), iha de'it asosiasaun nasionál 201 no INGOs 30 ne'ebé ativu iha Timor-Leste iha 2020. Inkonsisténsia ida ne'e karik tanba iha faktu katak organiza-sira balun nafatin rejistu iha Ministériu Justisa maske sira hapara tiha ona sira-nia atividade-sira ka la eziste tiha ona.

AMBIENTE LEGÁL: 3.4



Ambiente legál OSS nian iha Timor-Leste nafatin hanesan iha 2020.

Lei Nú. 5/2005 kontrola organiza-sira naun-govermentál sira (NGOs). Lei ne'e aplika ba asosiasaun no fundasaun hotu: asosiasaun ida defini nu'udar "entidade korporativa ida ne'ebé maka kompostu husi pesoál-sira, ne'ebé maka la hetan lukru ruma ba iha asosiasaun ne'e duni labele distribui lukru ruma, aset ka ativu, ka aliena bens ne'ebé maka asosiasaun ninian maske iha kazu dizolusaun ka likidasaun," no fundasaun define nu'udar "identidade ida ne'ebé kolektiva la-ho-lukrativu, interese sosiál no kompostu husi propriedade." Organiza-sira balun sei kontinua esforsu atu bele halo diferensia entre forma organizasionál rua ne'e.

Lei hakerek iha lian Portugéz no tradús ba Tetun, nasaun ninia língua ofisiál seluk, nomós iha Inglés.

Ida ne'e kria liután difikuldade ba iha OSS sira barak, maibé, versaun Portugéz maka sai presedénsia se iha interpreta-saun ruma laloos, enkuantu OSS-sira predominantemente uza Tetun. Bareira husi língua ne'e komplika mós iha registra-saun, hanesan OSS tenke tradús sira-nia estatutu organiza-sira ninian ba iha Portugéz. Asosiasaun no fundasaun sira rejista iha MJ. Maibé, bazeia ba iha FONGTIL, organiza-sira Timor-oan ninian 91 no organiza-sira internasionál ualu ne'ebé ativu hela maibé seidauk rejistu iha MJ tanba iha isiu 2021—percentajen substansiál husi organiza-sira 230 FONGTIL identifika hanesan ativu iha 2020. Ne'e maioria tanba kompleksidade husi prosesu no bareira husi língua. Departamentu notariadu MJ sempre presiona ba mudansa iha estatutu organiza-sira ninian, maske mudansa-sira ne'e bele kontráriu ho organiza-sira nia vizaun no misaun. MJ rejista organiza-sira balun nia naran, espesialmente sira ne'ebé refere ba iha identidade rezisténsia ka nasionál. Iha kazu-sira ne'e, organiza-sira normalmente kumpri no muda sira-nia-naran atu bele kompleta prosesu registra-saun. Lei mós rekere kada organiza-sira tenke iha konta bankária, maibé rekerimentu ida ne'e la aplika konsistentemente. Obstákulu-sira ne'e no falta klareza iha lei ne'e rasik partikularmente impede OSS-sira iha nível munisipál, ne'ebé maka frekuentemente hasoru atrazu iha sira-nia registra-saun. Por-ezemplu, Funero, hahú prosesu rejistu iha 2017 no seidauk bele legaliza; MJ seidauk klarifika kauza husi atrazu ne'e.

MJ la monitoriza progresu organiza-sira ninian ka implementasaun sira-nia misaun hafoin rejistu, ne'e duni organiza-sira balun kontinua registra-saun iha MJ maske sira remata ona sira-nia atividade-sira ka la eziste ona.

Maioria ne'e esplika diferensia entre dados rejistu organizasaun-sira nian iha MJ no FONGTIL kona-ba organizasaun-sira ne'ebé ativu. Nune'e mós, lei dehan katak, atu rejistu legalmente iha MJ, asosiasaun ida tenke iha mínimu membru na'in sanulu, maibé la oferese matadalan ne'ebé klaru ba sira se membru-sira ne'e sai no menus husi sanulu hafoin rejistu.

Lei la limita eskopu servisu OSS-sira nian no enjerál governu la interfere ho OSS-sira-nia atividade-sira. OSS iha Timor-Leste normálmente la sujeita ba iha persegisaun husi institusaun estadu ka grupu estatál ne'ebé maka representa estadu. Maibé, la iha lei espesífiku atu proteze OSS-sira husi disolusaun, efetivamente permite governu atu dissolve OSS ida ne'e ninia asaun-sira konsidera hanesan inkonstitucional iha justisa tribunál. Maske governu seidak uza autoridade ida ne'e, ida ne'e kontinua sai hanesan ameasa ba iha abilidade OSS-sira atu funciona independentemente.

Iha 2020, governu komesa diskute emenda ida iha kódigu penal konaba difamasaun kriminal, ne'ebé maka sei limita abilidade atu kritika governu. Agora dadaun iha ezbosu, emenda ne'e ameasa atu kriminaliza difamasaun hotu, inklui funsióariu públiku, partidu polítiku, no/ka liuhusi média, ne'e duni ameasa ema no organizasaun sira atu espresa sira-nia opiniaun-sira ka fahé informasaun. Ezbosu emenda difamasaun kontinua iha diskusaun to'o iha fim tinan 2020. Governu mós introdús ezbosu ida kona-ba Lei Krime Sibernetiku iha 2020, ne'ebé maka OSS-sira haree katak ne'e demokrátiku liu atu regula espasu online. Enkuantu lei defamasaun konsidera hanesan mekanizmu ida atu proteje governu no funsióariu públiku sira, Lei Krime Sibernetiku bele aplika iha sosiedade hotu hodi garantia direitu ezerse liberdade espresaun ho responsabilidade.

OSS-sira la selu taxa ba iha sira-nia fundu ne'ebé sira hetan maibé tenke selu taxa bainhira importa sasan-sira. Bazeia ba iha Lei Tributasaun, funsióariu-sira ne'ebé ninia saláriu liuhusi \$500 kada fulan tenke selu taxa pursentu 10 husi sira-nia rendimentu. Kada doador iha Timor-Leste simu notifikasaun kona-ba rekerimentu ida ne'e husi Banku Sentrá. Maibé, OSS-sira, espesialmente organizasaun Timor-oan ninian, esforsu atu kumpri ba rekeztu-sira ne'e no dala barak kabe ba iha funsióariu-sira, laos ba iha OSS, atu bele selu taxa kada fulan husi sira-nia rendimentu. Nune'e mak, staff-sira ne'ebé servisu ba iha INGOs no OSS-sira ne'ebé servisu iha nível nasional de'it maka baibain kumpri ba lei.

Kada organizasaun responsável ba iha dezenvolve sira-nia estratejia atu buka fundus no hetan apoiu atu sustenta sira-nia servisu. Maioria OSS-sira hetan fundus husi doador-sira no governu. Inísiu 2020, Gabinete Primeiru Ministru anunsia katak OSS-sira legalmente permite atu hetan rendimentu no komesa halo promosaun ba iha opsaun ne'e.


Maske iha kapasidade iha rai-laran konaba asisténsia legál, OSS-sira nasional no munisipál falta fundus atu bele kobre ba kustu-sira ne'e, no la iha advogadu/a Timor-oan ne'ebé espertu konaba regulamentu-sira ne'ebé relaciona ho OSS. Maibé, INGOs, rekruta advogadu/a Timor-oan hodi fó asisténsia legál.

KAPASIDADE ORGANIZASIONAL: 3.2

Kapasidade organizasional OSS-sira nian iha Timor-Leste kontinua la iha mudansa iha 2020. Maske COVID-19 hamosu difikuldade ne'ebé aas no estimula OSS-sira barak atu reorienta sira-nia atividade-sira, OSS-sira prova duni katak sira reziliente no adapta ho ambiente ne'ebé dezafia.

Maioria OSS-sira mantein relasaun ne'ebé metin ho sira-nia konstituenti-sira no bele atu mantein lista husi sira-nia beneficiariu-sira no área tarjetu sira ba iha intervensaun durante tinan ne'e. Ho restrisaun ba iha viajen no halibur hamutuk, OSS-sira aumenta sira-nia komunikaun ho beneficiariu-sira liuhusi telefone ka plataforma mensajeiru sira hanesan WhatsApp. Ne'e kontinua dezafia OSS-sira atu foku ba iha konstituenti-sira nia prioridade no nesiedade sira tanba finansialmente sira depende ba iha doador-sira, dalabarak liuhusi fundu bazeia ba projetu.

ORGANIZATIONAL CAPACITY IN TIMOR-LESTE




Maioria OSS-sira iha estatutu ne'ebé klaru define sira-nia vizaun no misaun sira, no balun servisu ona ho doador-sira atu bele aliña di'ak liután sira-nia planu estratéjiku. Pandemia COVID-19 no konsekuente estadu emerjénsia, maibé, rezulta mudansa ne'ebé derepenti ba iha atividade no prioridade sira OSS-sira nian. Duke halao sira-nia misaun-sira ne'ebé define ona, iha 2020 maioria OSS-sira foku ba iha ajuda COVID-19 no apoiu governu nia esforsu atu prevene habelar COVID-19 iha nível comunidade. Normalmente, ne'e rezulta foku iha edukasaun saúde no informasaun no fornecimentu material ijiéniku sira. Ba OSS-sira balun, hanesan sira ne'ebé servisu atu apoiu feto-sira, labarik, ka setór agrikultura, servisu ne'e fasilmente integra ba iha sira-nia área servisu baibain.

Jeralmente OSS-sira iha konsellu, maibé membru konsellu sira ladun kontribui signifikativu ba iha governansa organizasionál ka esforu buka fundus. Sira falta kuñesimentu konaba relatóriu implementasaun programa no finanseiru no sira la rekere atu lee relatóriu-sira organizaun ninian. Membru konsellu sira-nia papél, jeralmente limita ba iha atende enkontru importante sira, hanesan atu hili diretór ezekevitu, no aprova relatóriu anuál organizaun ninian formalmente. Maioria OSS-sira iha nível nasional no munisipál iha limitasaun kapasidade jestaun internál, espesialmente intermu jestaun finanseira.

Rotatividade staff kontinua sai hanesan problema ida iha 2020, tanba normalmente staff-sira rekruta bazeia ba iha projetu. Bainhira fundus ba projetu remata, staff mós husik hela organizaun, lori ho matenek no skills ne'ebé sira hetan ho sira. Iha 2020, OSS-sira balun redús sira-nia-staff, espesialmente fasilitadór treinamentu no staff kampu, hanesan resposta ba iha limitasaun COVID-19 no adiamentu planu atividade sira ne'ebé planeia tiha ona. OSS-sira mós labele atu servisu nu'udar voluntáriu hodi apoiu iha 2020, tanba estadu emerjénsia no restrisaun COVID-19 atu halibur malu direita.

OSS-sira uza teknolojia nesesiariamente aumenta iha 2020. Maibé, bainhira OSS-sira iha nível nasional normalmente bele asesu ba iha informasaun no komunikasaun teknolojia (ICT), OSS-sira iha rural no munisipál maioria limitadu ba de'it iha plataforma telemóvel hanesan WhatsApp. Atu responde ba iha restrisaun COVID-19 hanesan halibur malu, organizaun-sira iha nível munisipál uza WhatsApp atu hasoru malu ho doador no stakeholder sira, bainhira organizaun-sira iha nível nasional bele uza plataforma-sira hanesan Zoom, Microsoft Teams, Webex, no Skype.

VIABILIDADE FINANCEIRA: 4.4



Apezar husi dezafiu finanseiru ne'ebé lori husi pandemia no instabilidade política, viabilidade finanseira OSS nian kontinua la iha mudansa iha 2020.

Maioria OSS-sira iha Timor-Leste depende ba iha fundus husi doador internasionál no governu. Organizaun-sira balun hetan fundus husi múltiplu doador, ne'ebé maka permite sira atu sustenta sira-nia atividade-sira. La iha organizaun ka fundasaun Timor-oan ninian ne'ebé fornese rekursu finanseiru ba iha OSS-sira.

Liuhusi orsamentu estadu anuál, governu fornese apoiu ba OSS-sira iha kustu programa nomós operasionál. Iha 2020, primeiru ministru anunsia kumprimisu foun ida atu fornese apoiu ba iha OSS-sira iha kada tinan fiskál. Tanba ho falta orsamentu aprova, maibé, governu ninia apoiu la

konfirmadu to'o iha Outubru 2020, ho nune'e la iha fundus ne'ebé transfere to'o iha Novembru 2020; fundus sira ne'e bele uza fali ba iha programa iha tinan tuir mai. Finalmente Gabinete Primeiru Ministru aloka kuaze miliaun \$3.2 hodi apoiu OSS iha 2020, redusaun notável husi miliaun \$6 iha 2019. Anteriormente, OSS-sira hetan konvite atu submete sira nia proposta programa bainhira orsamentu aprova ona, maibé iha inísiu 2020, Gabinete Primeiru Ministru reorganiza prosesu: OSS-sira submete uluk proposta, hodi lori ba diskute iha parlamentu. Inklui iha ne'e fundus direita, governu kontinua apoiu FONGTIL atu follow-up ho asesmentu 2019 kona-ba política interna no sistema jestaun husi membru FONGTIL sira. Nune'e mós, aprova orsamentu FY2020 inklui \$600,000 ba iha auditoria sasiál, ne'ebé maka OSS-sira realiza hodi asegura kualidade husi partisipasaun comunidade iha projetu ne'ebé apoiu husi governu iha setór agrikultura, edukasaun, saúde, no infraestrutura. Auditoria sasiál hahú implementa

tiha ona iha Timor-Leste iha 2016, anteriormente apoiu financeiru husi Uniaun Europeia, laos husi governu. Hanesan parte husi esforsu apoiu COVID-19, governu mós kobre pursentu 60 ba iha saláriu husi staff-sira husi OSS-sira lubuk.

Apoiu husi estranjeiru kontinua la iha mudansa iha 2020 maibé maioria direita ba iha mitigasaun no prevensaun COVID-19, enkuantu adia programa-sira seluk. Governu Nova Zelandia no Organizaasaun Saúde Mundiál (OMS), purezemplu, apoiu Rede Feto ba iha esforsu mitigasaun no prevensaun COVID-19. USAID mós servisu atu hametin OSS-sira iha Timor-Leste, partikularmente foku ba iha kapasitasaun no habelar iniciativa hodi hetan redimentu.

OSS-sira iha Timor-Leste ladun barak ativu iha buka fundus, no iha 2020 la iha atividade-sira buka fundus ninian. ONG-sira balun, hanesan Cruz Vermelha Timor-Leste (CVTL), komesa hetan rendimentu iha 2020 ho fó aluga sira-nia aset-sira hanesan espasu ba enkontru. FONGTIL kontinua rekolla pagamentu membru ka adesaun ninian iha 2020: ba ONG nasionál sira \$60 kada tinan ka \$5 kada fulan, no pagamentu adesaun ba iha INGO-sira \$300 kada tinan. Iha 2020, Gabinete Primeiru Ministru mós apoiu OSS-sira hodi kapasita-sira atu habelar sira-nia rekursu ba rendimentu liuhusi produsaun artesanatu no produktu sira seluk.

Kompañia boot sira balun nakloke ba iha negosiasaun hodi apoiu financeiru ka koperasaun. Hanesan, Fundasaun Alola, ne'ebé foku ba iha saúde maternu no infantile, edukasaun, no dezvoltamentu ekonomia, simu fundus husi ConocoPhillips iha Timor-Leste. Iha 2020, kompañia privadu sira foku liuba iha esforsu apoiu COVID-19, inklui finansia material limpeza ninian, transporte, no hahan ba iha voluntáriu-sira. Maibé, OSS-sira oituan maka esplora ona oportunidade-sira ne'e.

Majoria OSS-sira iha sistema jestaun financeiru, ne'ebé maka doador-sira rekere husi sira-nia parseiru-sira. Maibé, kapasidade no kualidade husi sistema-sira ne'e kontinua limita ba iha organizaasaun-sira balun tantu iha nível nasionál no munisipál. OSS nasionál balun iha software financeira no iha dedikadu staff ne'ebé bele atu jere fundus no kumpri ba iha rekeztu doador sira nian. Organizaasaun hirak ne'e normalmente servisu iha maneira transparánsia no fahe relatóriu financeiru anuál no deklarasaun financeira ho doador-sira no governu. OSS-sira hotu rekere atu submete relatóriu anuál ba iha governu se sira simu fundus husi governu, maske barak maka la halo auditoria interna ka submete relatóriu financeiru la kumpri ho sira-nia proposta orsamentu.

ADVOKASIA: 3.2

Advokasia OSS kontinua la iha mudansa iha 2020.

Governu kontinua rekuñese OSS-sira hanesa parseiru dezvoltamentu ativu iha Timor-Leste. Legálmente garante OSS-sira ninia direitu atu manifesta no kritika desizaun-sira husi governu ka Parlamentu Nasionál (PN), no iha espasu iha públiku ba debate liuhusi média nutísia nasionál no média sosiál. Gabinete Primeiru Ministru iha kumprimisu atu apoiu OSS-sira no konsidera sira-nia ideia iha desenvolve política pública, no autoridade governu lokál kontinua haree OSS-sira hanesan parseiru ne'ebé kritiku iha prosesu halo desizaun no hanesan ponte entre governu no comunidade. Maske estadu emerjénsia limita halibur malu iha grupu boot, OSS-sira la hasoru dezafiu adisionál iha advokasia, no maske kontinua envolve ativu ho partidu-sira durante instabilidade política no reestruturasaun aliansa iha Maiu 2020.

Iha 2020, FONGTIL organiza Forum Diálogo entre OSS-sira no governu, inklui presidente, PN, no Ministériu Edukasaun, Saúde, no Agrikultura, Forestra, no Peska. Forum ne'e, foku ba iha seguransa aihan no nutrisaun iha Timor-Leste, fornese meu signifikativu komunikaasaun no advokasia entre setór-sira.

FONGTIL no ninia membru-sira—partikularmente Rede Direitu Umanu—ativu tebes kontribui ba iha elaborasaun, adosaun, no promosaun Lei Prevensaun no Kombate Korupsaun, promulga ona husi Prezidente Timor-Leste iha Jullu 2020. Hafoin sira ajuda iha diseminaasaun informasaun kona-ba lei ne'e depois adosaun. Iha 2020, OSS-sira ativamente halo advokasia hodi hadi'ak Lei Pensaun Vitalisia, ne'ebé maka agora dadaun fornese saláriu kompletu no benefísiu estensivu ba iha eis-membu governu no




membru parlamentu sira. OSS-sira uza relatóriu públiku no divulgasaun atu pedidu ba iha emenda lei ne'e; emenda ne'e sei iha diskusaun iha PN iha fim tinan ne'e.

Rede feto halo advokasia ba iha Deklarasaun Maubisse II atu asegura dezvoltamentu infraestrutura hatan duni ba iha nesesidade ema ho difisiensia, servisu atu hetan apoiu husi governu no PN. Hamutuk ho Komité Nasoens Unidas ba Eliminasau Diskriminasaun Hasoru Feto (CEDAW), Rede Feto kontinua prepara proposta ba iha governu hodi ratifika Konvensau Internasionál ba Ema ho Difisiensia iha Timor-Leste; ninia submisau no ratifikasau, maibé, ne'e atrazu tanba dezafiu-sira husi pandemia COVID-19 no instabilidade política. Nomós iha 2020, Rede Feto no FONGTIL envolve iha diskusaun-sira ho PN relasiona ho alokasaun orsamentu ba iha ministériu oioin, inklui agrikultura, bee no saniamentu, no edukasaun. Maibé, esforsu-sira ne'e falla atu aborda kestaun jéneru, no montante ne'ebé alokadu ba iha programa jéneru kontinua ki'ik tebes. Advokasia ba iha direitu populasau lesbian, gay, bisexual, transgender, no intersex (LGBTI) kontinua iha 2020, maske ho baze ne'ebé limitadu. Purezemplu, maske restrisaun COVID-19 limita possibilidade atu organiza eventu públiku ne'ebé boot iha 2020, CODIVA celebra loron LGBTI liuhusi kampaña divulgasaun, video, no halibur malu iha grupu ki'ik. OSS-sira mós envolve ho ministériu governu, PN, no presidente iha forum formulasau política no diskusaun sira kona-ba prevensaun COVID-19.

Hanesan organizasau mahon ba iha OSS-sira iha Timor-Leste, FONGTIL kontinua lobby governu kona-ba apoiu finansieru ba iha OSS-sira. Nune'e mós, iha 2020, FONGTIL no ninia membru-sira prodús ezposu lei ida atu institucionaliza auditoria sosiál atu bele mantein komunikasau efektivu entre OSS-sira, governu, no comunidade-sira. Iha fim-do-ano, Gabinete Primeitu Ministru submete ona ezposu lei ne'e iha Konsellu Ministru. OSS-sira mós envolve iha esforsu advokasia ne'ebé agora lao dadaun hodi kontra lei defamasau, ho razaun lei krime Sibernetiku demokrátiku liu atu regula espasu online. OSS halo advokasia to'o iha ninia objetivu ne'e susesu atu hapara ezposu lei difamasau iha Konsellu Ministru, ne'ebé maka sei kontinua iha diskusaun iha fim-do-ano.

PROVIZAUN SERVISU: 3.6



OSS-sira nia kapasidade atu fornese servisu kontinua la iha mudansa iha 2020, maske servisu-sira ne'e muda hodi foku fali prevensaun no asisténsia COVID-19.

Iha pasadu, OSS-sira iha Timor-Leste servisu ona iha área programátiku ne'ebé oioin, inklui direitu umanu, harii dame no prevensaun konfliktu, jéneru no inkluzau sosiál, engajamentu juventude, agrikultura, kapasitasaun, edukasaun, monitorizasaun no avaliasau, bee no saniamentu, reforma judisiál, advokasia, apoiu umanitária, no peskiza. Iha 2020, maibé, OSS barak maka temporariamente foku fali sira-nia esforsu hodi suporta direita ba iha atividade-sira prevensaun no apoiu COVID-19. Embora sira nia abilidade atu kumpri sira-nia misau iha 2020 limitadu, OSS-sira atende ba iha nesesidade comunidade ne'ebé maka urjente tebes durante pandemia

COVID-19 no rezulta estadu emerjénsia.

Iha 2020, FONGTIL no ninia membru-sira estabelese Sentru Informasau COVID-19. Liuhusi sentru ne'e, OSS-sira fornese ba iha governu nasional ho informasau lokal konaba nesesidade públiku. Sentru ne'e foku ba iha isu-sira hanesan seguransa aihan, bee, saniamentu, no ijiene, no seguransa enjerál, no fornese informasau ba comunidade-sira relasiona ho protokolu no prevensaun COVID-19. OSS-sira mós servisu estensivamente ho governu atu garantia públiku asesu ba iha nesesidade báziku durante estadu emerjénsia. Purezemplu, tantu OSS iha nível nasional no lokal partisipa iha diskusaun ho MSSI no ofisial governu sira seluk atu garantia katak subsidiu husi governu to'o duni iha umakain sira ne'ebé prezisa duni.

OSS-sira balun realiza asesmentu baze molok implementa sira-nia programa atu bele determina nesiedade komunidade no intervensaun-sira ne'ebé diak liu atu suporta sira-nia komunidade. iha 2020, OSS-sira foku primária ba iha komunidade-sira ne'ebé vulnerável tebes no servisu besik liu ho komunidade nomós autoridade governu atu monitoriza programa apoiu COVID-19 no asegura katak hatan duni ba iha nesiedade báziku tantu iha nível sub-nasionál no lokál. OSS-sira la diskrimina iha selesaun ba iha sira-nia benefisiariu-sira bazeia ba iha rasa, kultura, relijiaun, ka jéneru.

OSS-sira kontinua fornese servisu-sira ho gratuita, ho fundus husi doador internasionál sira no governu, ho nune'e maka la iha kustu rekuperasaun ba iha servisu-sira ne'ebé halo ba iha sira-nia benefisiariu-sira iha 2020. OSS-sira hotu foku atu asegura hatan duni ba iha nesiedade báziku, espesialmente ba iha populasau ne'ebé vulnerável.


Governu kontinua rekuñese servisu esensial husi OSS-sira, ne'ebé maka sai signifikativu liután ho dezafiu boot sira ne'ebé iha 2020. Ministériu Saúde partikularmente suporta tebes atividade-sira OSS nian iha 2020, tanba barak maka servisu iha mitigasaun no prevensaun COVID-19 iha nível komunidade. Gabinete Primeiru Ministru kontinua suporta FONGTIL no ninia membru-sira atu monitoriza provizaun subsidiu emergjensia ba iha umakain-sira, no rezultadu submete tiha ona ba Ministériu Administrasaun Estatál.

SETORIÁL INFRAESTRUTURA: 3.5

OSS-sira iha Timor-Leste iha asesu ba iha apoiu setoriál no infraestrutur makaas tebes. Bainhira restrisaun tanba pandemia aumenta tan dezafiu-sira, infraestrutur ne'ebé apoiu setór ne'e barak maka la iha mudansa iha 2020.

Infraestrutur apoiu OSS-sira iha Timor-Leste inklui treinamentu, rede, no parseira intersetoriál. Antes estadu emergjensia iha 2020, rede ONG nasional, inklui sira-ne'ebé maka lori hamutuk organizaun-sira ne'ebé foku ba iha isu feto, direitu umanu, no harii dame no rezolusaun konflitu, oferese kapasitasaun ba iha OSS-sira seluk bazeia ba iha nesiedade-sira ne'ebé relevante. Maibé, la iha treinamentu maka oferese durante iha 2020 tanba restrisaun atu halibur malu no OSS-sira esforsu atu prioritize asisténsia COVID-19.

SECTORIAL INFRASTRUCTURE IN TIMOR-LESTE



Iha 2020, OSS-sira prinsipálmente depende ba iha Internet atu asesu ba informasaun. OSS-sira ne'ebé maka iha ona akordu ho doador molok estadu emergjensia iha Marsu 2020 iha pozisaun ne'ebé di'ak tebes atu asesu ba iha apoiu kontinuasaun no informasaun kona-ba oportunidade finansiametu no treinamentu. Iha pasadu, doador internasionál-sira jeralmente realiza asesmentu kapasidade organizasionál no oferese treinamentu ba iha staff programa, administrasaun, no finansa molok oferese fundus ba iha OSS nasional no lokál. Iha 2020, maibé, so treinamentu online de'it maka disponível ba iha OSS-sira maioria iha tinan ne'e, no limita tebes ba iha oportunidade balun.

Alende ne'e la iha organizaun ka fundasaun lokál sira maka oferese fundus ba iha OSS-sira, iha 2020 organizaun-sira oituan de'it maka hetan apoiu fundus hanesan sub-grant husi estranjeiru. Porezemplu, Bridging Peoples sub-grant husi Millennium Challenge Corporation ba Belun ba iha peskiza edukasaun iha Timor-Leste.

Iha 2020, aliansa no rede hasae sira-nia efetividade, espesialmente iha disseminasaun protokolu OCIVD-19 ba iha komunidade-sira. OSS-sira servisu hamutuk hodi apoiu governu ninia esforsu, asegura inklui komunidade hotu, no kordena atu promove informasaun kona-ba risku no prevensaun husi COVID-19.


OSS-sira mós kolabora ho setór-sira sleuk hodi promove protokolu saúde no ijiene no monitoriza governu ninia programa asisténsia sira. Purezemplu, sira servisu atu promove giaun husi setór saúde no kordena ho setór emprezariál atu oferese materiál-sira hanesan sabaun, disenfektan, no maskára. FONGTIL ho ninia membru-sira ativu tebes apoiu governu ninia servisu asisténsia durrante estadu emergjensia.

IMAJEN PÚBLIKA: 3.3

OSS-sira nia imajen púbika mantein la iha mudansa iha 2020, no OSS-sira kontinua iha relasaun ne'ebé pozitiva ho média no públiku iha Timor-Leste.

Durante estadu emergjénsia, FONGTIL oferese informasaun kona-ba impaktu COVID-19 iha kada semana, ne'ebé maka média nasonál konsistentemente halo kobertura. Maibé, OSS-sira balun oferese informasaun ne'ebé laloos kona-ba. pandemia liuhusi média sosiál, kria konflitu entre OSS-sira ne'ebé envolve no governu no nesesita tebes

atu halo kapasitasaun ba OSS-sira kona-ba média no alfabetijasaun dijital. Insidente-sira ne'e mós bolu governu nia atensaun atu bele kumprende di'ak liután no jere polítika no regulamentu média kona-ba informasaun púbika.



Persepsaun públiku konaba OSS—tanto iha urbana no rural—kontinua pozitivu tanba OSS-sira servisu direita ho comunidade-sira, no comunidade-sira sai hanesan sasin ba iha papél OSS-sira nian iha asisténsia púbika no dezvoltimentu. OSS-sira mós hanesan ponte ida entre governu no comunidade-sira no bele atu transmite nesesidade no interese públiku ba iha ofisiál governu. Maibé, sei iha nesesidade kontinuaun ba iha OSS-sira atu bele esplika ho di'ak liután konaba sira-nia papél iha nível comunidade. Iha pasadu, ativista OSS-sira mós sai hanesan polítiku ka membru parlamentu, kria konfuzaun

no dezkonfiansa iha públiku kona-ba meta no étika OSS-sira nian. OSS-sira kontinua promove sira-nia atividade no misaun sira liuhusi média, online no média sosiál, no sira-nia organizasaun nia website.

Maske governu tantu iha nível nasonál no munisipál perseve OSS-sira ho pozitivu tebes no hanesan parseiru iha esforsu asisténsia no dezvoltimentu, maibé dalaruma konsidera ativista OSS-sira hanesan autór polítiku. Bainhira autoridade governu krika tebes servisu OSS-sira nian, ne'e normalmente diriji liu ba individu espesífiku, duke ba iha organizasaun. Tanba OSS-sira ativu tebes monitoriza programa-sira governu ninian, setór privadu dalaruma fiar katak OSS-sira la implementa sira-nia programa rasik, maibé avalia de'it programa sira governu ninian. Empreziária-sira mós dalaruma iha konflitu ho atividade-sira OSS ninian, partikularmente responde ba iha esforsu advokasia. Purezemplu, hafoin kompañia hasae folin husi presu fos no nesesidade báziku sira seluk durante pandemia, OSS-sira halo advokasia ne'e ba governu hodi estandariza presu merkadoria.

Maioria OSS-sira iha Timor-Leste iha sistema kontrolu interna, hanesan manuál hodi haree konaba asuntu pesoál, finanseira, no aprovizionamentu, atu ajuda sira asegura governansa diak no transparénsia, partikularmente ho parseiru no doador sira. Iha 2020, maioria OSS-sira kontinua publika relatóriu anuál programa no relatóriu finanseiru, fahe ho doador no stakeholder sira. OSS-sira jeralmente iha kódigu konduta atu gia sira-nia implementasaun programa.

Renunsiasaun: *Opiniaun-sira ne'ebé espresa iha ne'e husi panelista-sira no peskidór projektu sira seluk no la nesesariamente reflata ba opiniaun-sira husi USAID ka FHI 360.*

U.S. Agency for International Development

1300 Pennsylvania Avenue, NW
Washington, DC 20523

Tel: (202) 712-0000

Fax: (202) 216-3524

www.usaid.gov